



partii naleraq

30. septemperi 2016

UKA2016/115

Kalaallit Nunaanni sullivinni avatangiisit pillugit inatsisip allanngortinneqarneranik aamma Kalaallit Nunaanni sulisilluni ajoqusersinnaanermut isumannaarineq pillugu inatsisissatut siunnersuut pillugu Namminersornerullutik Oqartussat oqaaseqaatissaat pillugu Inatsisartut aalajangiiffigisassaattut siunnersuut.

(Inuussutissarsiornermut, Suliffeqarnermut Niuernermit Nunanullu Allanut Naalakkersuisoq)

Kalaallit nunaanni sullivinni avatangiisit pillugit aammalu Kalaallit nunaanni sulisilluni ajoqusersinnaanermut Namminersorlutik oqartussat oqaaseqaatissanut siunnersuut pillugu imatut oqaaseqarfigisavarput.

Nunatsinni avatangiisit innarlitsaaliornissaat tamakkiisumik ilungersuuttuartaqarparput, tassami pingortitami mianernartumi najugaqarluta inuuvugut, taamaattumik avatangiisit parilluarlugit nakkutigalugillu ingerlajuartaqarparput uagummi kisitta manna nuna atortussaangilarput.

Nuna manna uagut nalerput tikiinnarlugu inoqartussaangilaq, kinguariit ingerlajuartussaapput attartugariinnarparput akisussaassuseqartumik kinguaatsinnut tunniutassarput, taamaattumik paarilluartaqarparput.

Taamaammat aamma ilanngullugu oqatigerusupparput nunatsinni Amerikamiut sakkutoqarfigisimasaanni eqqagassarpasuit mingutitsinerillu suli ilungersuunnerullugit sulissutigisariaqalerigut tamannalu kaammattuut Naalakkersuisunut apuukkusupparput.

Nunatsinni suliffiit isumannaatsuunissaat, aammalu ajutoorsinnaanermut sulisartut illersorneqarnissaat, suliffimminnilu toqqissillutik sulinissaat, uani inatsisissami qulaarnaarniarneqarpoq anguniagaallunilu.

Tassami suliffiit assigiinngitsorpassuit ingerlanneqartarput ilaatigullu illersorneqarsinnaasumik sulinerit ingerlanneqanngitsut naammattoorneqartarput, tamakkulu isumannaatsumik inissisimassappata sulisartunut sulisunullu illersuinissaq inatsisunik tunngaveqartumik nutarteriuarnikkut isumannaarneqartussaapput.

Kiisalu aamma aatsitassarsiorfinni sulineq ilaatigut oqitsuinnaanngitsoq takorloorsinnaavarput, isumannaatsumillu ingerlasoqassappat sulinerit sulisullu pitsaasumik illersorneqassappata inatsisitigut tunngavissat nalornaatsumik sulisunut illersuisut pilersinneqartariaqarput.

Uanilu tamanna qulakkeerniarneqartoq iluarisimaarparput.

Akuutissanik uumaatsunik atortussanillu navianartunik atuisarnissat sullivinnik nakkutilliisut akuersissuteqartaarnissaat qulakkeerlugu eqqunneqartussaaq iluarisimaarparput, tassami avataangiisit uumasut naasut mianeralugit ataqqillugillu ingerlasoqarnissaa pingaarluinnarmat, inuussutigaagummi taamaattumik sukkanersumik nakkutilluarnissaq pingaartorujussuuvoq.

Kiisalu suliffeqarfimmi sulisut misigisimagunik suliffik aarlerinartorsiortoqarsinnaasoq ajutoornikkut pisinnaatitaaffigilissavaa suliffimminik qimatsigallarnissaq, tamakkulu pissutigalugit ilaatigut

sulisitsumik eqqunngitsumikpineqarunik taarsiivigineqarsinnaalissapput tamannalu
pissusissamisoortutut isigalugu tapersorsorparput.

Kalaallit nunaanni suliffeqarfiit sinnerinik nakkutillinerit ingerlaannarnissaat qulakkeerniarlugu taava
aamma Nakkutilliisoqarfiup sulinerminut atasumik akileeqqusisinnanera pillugu aalajangersakkamik
ikkussisoqarnissa siunnersuutigineqarpoq tamannalu aamma pissusissamisoortutut isigaarput.

Taamatut oqaaseqarluta inuussutissarsiornermi ataatsimiititaliami suliarineqarnissaa
innersuussutigaarput.

Hans Enoksen